

Pak Kitab fuain dólá
Házir óiye

Foóilar
Eatar



Lekóya: Edward Hughes
Nokcá tulóiya: Lazarus; Alastair Paterson
Borabor goróya: Sarah S.
Torjoma goróya: John Anwar
Neelaiye de óilde: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2020 Bible for Children, Inc.


Laisen: Tuáíttú e kaháni yían neelai bólla yáto kopí goribólla hók
asé, zedún fóijjonto tuñi yían oré nóo beso.

1

Isá maa Moriyame
faáror hañsa loi
tíai táki Íbar Fuar
foran zagór de saái
táikke. Híbar Isá
re kúrucot diyé
de zagar dháke
tíai accíl.



2



Iín beggún keéngorí
óiyé? Endilla dukór
zindigi Isá ye keéngorí
haçaiyé? Allah ye kiyólla
Íbar Fua re
kúrucot dí
maribólla
ezazot diyé?
Isá ye ki Íba
honnua de yían hoói
nóofare de né?
Allah ki fél óiye
de né?

3




Noó! Allah fél nóiyo.
Isá ye honó hosurí
nógoré. Isá ye
hámica zainto de,
hóraf manúic ókkol or
átot Íbar moot óibo.
Isá gura accíl de yála
úddua burá manúic
Címuone yó Moriyam
oré hoóil de muúntu
ferecanir ottó asé.

4



Isá moribár kessú din
age, eggúa maiyafua
aái, Íbar théngot kúcbo
añtor lagai diyé. Isár
sáafi ókkole deikké rar, híba
ye añtor híin borbat gorér bóli
hoiyé. Montor Isá ye hoódde, "Híba ye
híin Añáre ganaibólla gorér." Hondila hotá!

5




Yárbaade, Isár sáafi
ókkol or bútottu Yuhúda
name eggúa sáafi ye Isá
re tiriccuá rufar thiañ
loi dóri díbolla
razirabbot óiye.

6



Yuhúdir azadir-idór ottót, Isá
ye Íbar sáafi ókkol or fúañti
akéri hána hádde yála Íba ye
Allahr hotá edde Íbar waadar
baabute ítaráre hoiyé. Baade
Isá ye ruthi edde fiyala lói
ítaráre borát gorí diyé. Yían
goijjé de Isár gusso edde
lou oré yad goríbolla,
ze lou or zoriya
insáan ókkole
gunáttu maf
faibo.

7



Baade Isá ye Íbar sáafi ókkol oré hoiyé de ki, Íba
re dóri diya óibo, ar tará beggún dáizaiboi. Fitore
hoódde, "Aññí dáí nozaiyúm," Isá ye hoódde, "Rata
kurá bak dibar age tui añáre no sinós hoói tinbar
inkár goríbi."


8



Hé raita, Isá Getsímenir baganot dua goittó giyé. Íbar fúañti giilde sáafi ókkol gum giyé. Isá dua gorér de, "Ó Añár Baf, e fiya ibá Añár hañsóttu loi féloi, montor Añár moncá noók, bólke Tuáñr moncá ók."


9

Atikka eggúa manúicór dhaái baganor bútoire aiccé, zará re Isár sáafi Yuhúda ye ainné. Isá ye tarár uldha kessú noó goré, montor Fitor re súri loi eggúa manúicor han haçi félaiye. Toratori Isá ye manúiccúar hannán dóri gom gorí diyé. Isá ye zaintóu de Íba re dorá ekkán Allahr moncá.



10

Dhaái híba ye Isá re dhoóñr imam or ghórot loi giyé. Héçe Yuhúdir neta ókkole hoódde Isá re mariféla foribó. Tarár dháke Fitor oinno gulam ókkolor



fúañti ooinfuai fuai híin saát accíl. Tin bar foijjontó manúic ókkole Fitor oré hoóil de ki, "Tui Isár fúañti accíli!" Tinibár te inkár goijjé, zendila Isá re tará hoóil. Fitore ebbere dhoóñr sóon gorí inkár goijjé.

11

Kuk-kuu-ruu-kuk



Hétunot eggúa rata kurá bak diyé. Baade Fitor ottú Isár hotá yad foijjé rár, te haindé.

12

Yuhúda ye apsús


haiye. Kiyólla-hoilé te zaintó

de Isá ye honó hosúri nóogoré. Yuhúda ye tiriccúa rufar thiañ híin waafes difélaito saáiyé, montor imam ókkole nóolo. Yuhúda thiañ gún melái mari zai nize-baze fáñci háiyé.



13

Imam ókkole Isá re Romiyo hókumot goróya Filator muúntu ainné. Filate hoódde, "Aññí e manúic Íba ttú honó hosúri nofáir." Montor manúic ókkole "Íba re kúrucot dou, kúrucot dou!" Hoói guzoijjíl.




14

Akérit Filate Isá re kúrucot di marifélai bólla elan goijjíl. Baade fóous ókkole Isá re suár maijjé, sáp maijjé edde coñkor bari maijjé. Itara egguá keñjár tas banai Íbar matát lagai diyé. Toi itará Íbare moribólla gasór kúrucot diyé.



15

Isá hámica zaintóu de, Íba hondila gorí moribó. Íba ye yianó zaintó de, Íbar morar zoriya insán ókkole guná ttú maf faibo, montor baná Íbar uore biccác goríle. Isár fúañti aró duwá dañháitó kúrucot diyé. Egguá ye Isár uore iman ainné de hétolla bíyostot giyé, oinnoguá ye nóogoré de hétolla zai nóofare.



16

Isár dúk beggún fúrai giyó rar, Isá ye hoódde, "Beggún fúrai giyói". Héndila hoói Íba moijjé. Íbar ham hótom óiyé. Íba re egguá bir-hoborot gañraiyé.



17

Baade Romiyo fóous ókkole hoborgúare moór marí diíl. Hétolla ar kiyé hé hoborot neeli góli nofaittó.



18

Kaháni zodi eddúrot fúrai zaitoi, tooile hondila ferecanir hotá óito. Montor Allah ye kessú taajuppa ham goijjé. Isá mora táí nóo zagói.



19

Háfter foóilar cúrut din beínna sóore, hodún Isár sáafi ókkole Hobor óttu fattórgúa larifélaiye de loót faiyé. Zentté tará bútoe saiyé, tará Isá re héçe nóodeke.



20

Egguá maiyafua hoboror muúntu hañdat accíl. Isá ye zettót híba re dahá diyé! Híba kúci ye duñri zai Isár saáfi ókkol óre hoiyé de, "Isá zinda asé, íba morattú ziañta ói úçitthé!"



21

Kessú thaim baade Isá Íbar saáfi ókkolor héçe aái Íbar átor zoloir hana daháye, zeéne Ítara zani faré de, Íba sóiyi Isá. Fitore Isáre inkár gorile yó, Isá ye Fitor oré maf gorí diyé edde Íbar saáfi beggún oré hóbor díbolla hókum diyé. Tói baade Isá býostot giyói zentú Íba aiccé.

22

Foóilar Eastar


Allahr Kalam ottú ekkán kaháni, Pak Kitab,

loót fade

Moti 26-28, Luúk 22-24,
Yuhúna 13-21

"Tuáñr Kalam gólaye foór diyat táke."
Zobur 119:130

23



54

60

24

E Pak Kitab or kaháni ye añárar taijjuppa Allahr baabute cíkaibo, zibá ye añárare banaiyé edde zibá ye saádde tuñí Íba re sinó.

Allah ye zané añára hóraf ham goijjí, zín oré Íba ye guná hoó. Gunár cánza óilde moron, kintuk Allah ye tuañre beci muhábbot goré de hétolla, Íba ye Íbar ek siríf Fuá Isá re defeçáye, zeéne kúrucot foran de, edde tuáñr zoriya cánza fa. Baade Isá zinda óiyore Íbar ghór ziyán býosto híyanot giyói. Zodi tuñí Isá uore iman añní, tuañr gunár maf maiggo de óile, tóoile Íba ye tuañre maf gorí dibó. Íba éhon tuañr héçe aibó edde fúañti tákibo, ar tuñí Íbar fúañti zindigibór tákiba.

Zodi tuñí yían sóiyi de biccác goró, tóoile Allah re yían hoó: O adoijjá Isá, aññí biccác gorí de, Tuñí Allah, ar insán boni duniyait aái añár gunálla foran diyó, edde Tuñí abár zinda óiyo. MeérbaniGORÍ añár zindigit aiyo edde añár gunáre maf goró, zeéne ehón aññí noiya zindigi fai, ar ek din býostot zai Tuáñr fúañti hámica tákifari. Añáre modot goró, zeéne aññí tuañre mani edde Tuáñr fua boni tákifari. Amin

Fottí din Pak Kitab foró edde Allahr loi hotá hoó. Yuhúna 3:16

25